

Na osnovu člana 8. i člana 13. Zakona o principima lokalne samouprave u Federaciji BiH ("Sl.novine FBiH", br.49/06), člana 12. i 21. Zakona o lokalnoj samoupravi Unsko-sanskog kantona ("Službeni glasnik USK-a", br.8/11) člana 24. stav 1. Zakona o unutarnjoj trgovini ("Službene novine FBiH, br.40/10), člana 11.stav 2. Zakona o ugostiteljskoj djelatnosti ("Službene novine FbiH, br.32/09), Zakona o turističkoj djelatnosti ("Službene novine FBiH, br.32/09), člana 40 .Zakona o obrtu i srodnim djelatnostima ("Službene novine FBiH, 35/09, 42/11) i člana 24.Statuta općine Sanski Most ("Službeni glasnik općine Sanski Most", br.4/08, 5/08,5/09, 2/10, 9/11), Općinsko vijeće općine Sanski Most na 19. sjednici, održanoj dana 26.04.2018.godine, donijelo je

O D L U K U

o utvrđivanju radnog vremena u ugostiteljskoj i turističkoj djelatnosti,
djelatnosti obrta i srodnih djelatnosti, trgovinskoj djelatnosti, zabavnih igara i igara
na sreću na području općine Sanski Most

I-OPĆE ODREDBE

Član 1.

Ovom Odlukom utvrđuje se radno vrijeme i raspored radnog vremena u ugostiteljskoj i turističkoj djelatnosti, djelatnosti obrta i srodnih djelatnosti, te trgovinskoj djelatnosti.

Član 2.

Pravna i fizička lica koja obavljaju djelatnosti navedene u članu 1.ove Odluke /osim poljoprivredne djelatnosti/, dužni su da donesu Odluku o rasporedu početka i završetka radnog vremena, odmora u toku radnog vremena i neradnim danima u toku sedmice u skladu sa Zakonom, ovom Odlukom i drugim propisima koji regulišu ovu oblast.

Član 3.

Pravna i fizička lica koja obavljaju djelatnost iz člana 1.ove Odluke dužna su:
-istaknuti obavijest o radnom vremenu na vidnom mjestu na ulazu u poslovne prostorije,
-pridržavati se istaknutog rasporeda radnog vremena, a ako ne rade iz opravdanih razloga moraju istaknuti obavještenje na ulazu u poslovne prostorije.

Član 4.

Radno vrijeme objekata u kojima se obavljaju djelatnosti iz člana 1.ove Odluke raspoređuje se na ljetni i zimski vremenski period.

-Ljetni vremenski period traje od 01.aprila- 30.septembra,

-Zimski vremenski period traje od 01.oktobra tekuće godine do 31.marta naredne godine.

II RADNO VRIJEME UGOSTITELJSKE I TURISTIČKE DJELATNOSTI

Član 5.

Ugostiteljskim i turističkim objektima , u smislu ove Odluke, smatraju se svi ugostiteljski objekti koji su registrirani za pružanje ugostiteljskih usluga, u skladu sa Zakonom o ugostiteljskoj djelatnosti ("Službene novine FBiH, br.32/09), Zakonom o turističkoj djelatnosti ("Službene novine FBiH, br.32/09 i Pravilnikom o razvrstavanju i minimalnim uvjetima ugostiteljskih objekata iz skupina "Restorani", "Barovi", "Catering objekti" i "Objekti jednostavnih usluga" ("službene novine FBiH, br.40/10).

Član 6.

Radno vrijeme ugostiteljskih objekata određuje se:

-u zimskom periodu od 06,00 – 23,00 sata , a u dane vikenda (petak, subota) do 24,00 sata, osim u periodu od 20.decembra do 15.januara, kada se radno vrijeme za ugostiteljske objekte određuje:

- od 06,00 do 01,00 sata - radnim danima,
- od 06,00 do 02,00 sata -vikendom/petak i subota/ ,

-u ljetnom periodu od 06,00-24,00 sata, a u dane vikenda (petak, subota) od 06,00-01,00 sata narednog dana, osim od 01.juna do 31.augusta, kada se radno vrijeme za ugostiteljske objekte određuje :

- od 06,00 do 01,00 sata - radnim danima,
- od 06,00 do 02,00 sata -vikendom/petak i subota/.

Član 7.

Radno vrijeme ugostiteljskih objekata iz skupine barovi (noćni klub, noćni bar, disco bar i disco klub), koji u skladu sa važećim propisima, u pravilu rade noću određuje se od 19,00 sati tekućeg dana do 03,00 sata narednog dana.

Član 8.

Izuzetak od radnog vremena ugostiteljskih objekata, utvrđenih u članu 6. i 7. ove Odluke, su ugostiteljski objekti, bez obzira na vrstu, koji se nalaze u stambeno - poslovnim objektima kolektivnog stanovanja (osim objekata koji se nalaze u zoni zabrane saobraćaja-korzo), za koje se utvrđuje radno vrijeme:

- od 07,00 do 22,00 sata-u zimskom periodu,
- od 07,00 do 24,00 sata -u ljetnom periodu.

Član 9.

U vrijeme državnih i vjerskih praznika, kao i organizovanja svečanosti i zabave (maturalna zabava, svadba, jubilarna proslava, kulturni program), radno vrijeme ugostiteljskih objekata može trajati duže od propisanog, a najduže do 03,00 sata, uz prethodno pribavljeno odobrenje nadležne službe.

Član 10.

Za vrijeme održavanja kulturnih, sportskih ili sličnih manifestacija, koje svojim značajem predstavljaju unaprijeđenje turističke ponude općine, radno vrijeme ugostiteljskih objekata u urbanom dijelu grada i zoni njihovog održavanja, može se produžiti za vrijeme trajanja tih manifestacija, najduže do 03,00 sata, a po zahtjevu organizatora manifestacije, Turističke zajednice ili Obrtničke komore, o čemu rješenje donosi nadležna služba.

Član 11.

Prilikom donošenja rješenja o utvrđivanju produženog radnog vremena, nadležna Općinska služba dužna je da se pridržava slijedećih kriterija:

- a) da se poslovni prostor ne nalazi u stambeno-poslovnoj zgradi kolektivnog stanovanja (izuzev ukoliko svojim radom ne rušava javni red i mir, pridržava se propisanog radnog vremena i ima pribavljenju saglasnost 51% stanara koji žive u stanovima u zgradi kolektivnog stanovanja, koja uključuje i obaveznu saglasnost stanara čiji je stan neposredno uz ili iznad objekta, a potpisana je od strane kućnog savjeta i ovjerena kod nadležnog organa) ili u blizini zdravstvene ustanove za smještaj pacijenata;

b) da nije pravosnažno kažnjavan za prekršaj prekoračenja radnog vremena i za narušavanje javnog reda i mira u objektu za koji se traži produženo radno vrijeme, što dokazuje potvrdom /uvjerenjem nadležnog organa.

Član 12.

Za dobijanje odobrenja za produženje radnog vremena, ugostitelj je dužan:

- podnijeti zahtjev najkasnije 3 dana prije dana državnog i vjerskog praznika ili organizovanja svečanosti, odnosno održavanja manifestacije,
- dostaviti dokaz o razlozima produženja radnog vremena kada su u pitanju svečanosti, zabave i manifestacije /ugovor o pružanju ugostiteljskih usluga, odnosno ugovor o zakupu ugostiteljskog objekta/,
- dostaviti potvrdu/uvjerenje iz člana 11.stav 1.tačka b) ove Odluke,
- ukoliko se radi o poslovnom prostoru u stambeno-poslovnoj zgradi kolektivnog stanovanja,
- dostaviti saglasnost propisanu članom 11.stav 1.tačka a) ove Odluke;
- te izvršiti uplatu takse za izdavanje rješenja o produženju radnog vremena.

Član 13.

- (1) U svim ugostiteljskim objektima, bez obzira na dužinu radnog vremena, nije dozvoljeno izvođenje muzike uživo, kao ni emitovanje muzike preko muzičkih uređaja u vremenu od **22,00 do 03,00 sati**, ukoliko ima čujnost izvan zatvorenog dijela objekta u kojem se izvodi, odnosno emituje.
- (2) Ugostiteljski objekti: bar, noćni bar, disko bar i disko klub, ne mogu obavljati djelatnost izvan zatvorenog prostora, ako na bilo koji način narušavaju javni red i mir.

Član 14.

Radno vrijeme objekata koji pružaju usluge noćenja (radno vrijeme prijemnog hola-recepcije) određuje se od 00 do 24 sata.

Član 15.

(1) Ugostiteljske usluge koje se povremeno pružaju izvan ugostiteljskih objekata /na sajmovima, vašarima i sl./, mogu se pružati u okviru radnog vremena tih manifestacija.

(2) Radno vrijeme ugostitelja u objektima u kojima se obavlja neka druga djelatnost/kulturna, obrazovna, sportska, trgovačka i sl./, utvrđuje se u skladu sa radnim vremenom tog objekta, ali ne dužim od radnog vremena utvrđenog ovom Odlukom.

Član 16.

U ugostiteljskim objektima koji pružaju usluge ishrane i pića, "vrijeme tolerancije", odnosno vrijeme konzumacije usluge pružene pri kraju radnog vremena propisanog ovom Odlukom, iznosi **30 minuta**, nakon čega objekat mora biti ispražnjen.

Član 17.

Radno vrijeme putničkih agencija i njihovih poslovnih jedinica, koje imaju registriranu mijenjačku djelatnost ili prodaju vozničkih karata, određuje se od 08,00 do 22,00 sata.

II RADNO VRIJEME TRGOVINSKE DJELATNOSTI

Član 18.

Pod trgovinskim objektima, u smislu ove Odluke, smatraju se prodajni objekti u kojima se obavlja:

-trgovina na malo-prodavnica, samoposluga, dragstor, diskontna prodavnica, butik, robna kuća, kiosk, benzinska pumpna stanica, tržnica na malo/pijaca,
-trgovina na veliko-skladišta/stovarišta,
-apoteke.

Član 19.

(1) Radno vrijeme trgovinskih objekata određuje se svakim radnim danom :

-u vremenu od 07,00 do 22,00 sata, u zimskom periodu,
-u vremenu od 07,00 do 23,00 sata, u ljetnom periodu.

(2) U okviru radnog vremena utvrđenim ovim članom, vlasnik radnje može slobodno organizovati svoje poslovanje u jednokratnom ili dvokratnom radnom vremenu.

(3) Izuzetak od odredbi stava 1.ovog člana, čine određene kategorije radnji, za koje se utvrđuje radno vrijeme u trajanju od 00 do 24 sata, radnim danom i nedjeljom i to:

-trgovinski objekti tipa "dragstor",
-benzinske pumpe,
-trgovinski objekti s pretežno prehrambenim proizvodima u autobusnoj stanici,
-apoteke.

Član 20.

Radno vrijeme tržnica na malo, odnosno pijaca, određuje se pijačnim redom, koji donosi trgovac koji pruža usluge ržnice na malo, odnosno pijace, i na koji suglasnost daje nadležni organ lokalne samouprave.

Član 21.

Neradnim danom odnosno nedjeljom, trgovine prehrambenih i neprehrambenih proizvoda, kiosci i trgovine na malo cvijećem, mogu da rade u periodu od 08,00-12,00 sati.

Član 22.

Na dan državnog praznika kada se ne radi jedan dan, trgovinski objekti obuhvaćeni ovom Odlukom ne rade, izuzev radnji iz člana 19. stav 3. /trgovinski objekti tipa "dragstor", benzinske pumpne, trgovinski objekti s pretežno prehrambenim proizvodima u autobusnoj stanici i apoteke.

Za vrijeme državnog praznika kada se ne radi dva dana, drugi dan osim radnji iz prethodnog stava, u vremenu od 08,00 do 12,00 sati mogu da rade i trgovine na malo prehrambenih i neprehrambenih proizvoda, trgovine cvijećem i kiosci.

III RADNO VRIJEME OBRtničkih I SRODNIH DJELATNOSTI

Član 23.

Obrtničkom i srodnom djelatnošću u smislu ove Odluke, smatraju se djelatnosti utvrđene Zakonom o obrtu i srodnim djelatnostima (" Službene novine FBiH, br.35/09, 42/11), Uredbom o vezanim i posebnim obrtima ("Službene novine FBiH, br.16/12"), Uredbom o zaštiti tradicionalnih i starih obrta ("Službene novine FBiH, br.66/09,38/10 i 16/12), Pravilnikom o djelatnostim koje se mogu

obavljati u stambenim prostorija i i izvan poslovnih i stambenih prostorija ("Službene novine FBiH", br.12/12), Pravilnikom o djelatnostima koje se mogu obavljati kao domaća radinost "Službene novine FBiH", br.12/12).

Član 24.

(1) Radno vrijeme obrta i srodnih djelatnosti određuje se svakim radnim danom :

- u vremenu od 07,00 do 22,00 sata, u zimskom periodu,
- u vremenu od 07,00 do 23,00 sata, u ljetnom periodu.

(2) U okviru radnog vremena utvrđenim ovim članom, vlasnik obrta / srodne djelatnosti može slobodno organizovati svoje poslovanje u jednokratnom ili dvokratnom radnom vremenu.

(3) Izuzetak od odredbi stava 1.ovog člana, čine pekare, za koje se utvrđuje radno vrijeme u trajanju od 00 do 24 sata , radnim danom i nedjeljom.Ova odredba se odnosi samo na proizvodni dio pekare, dok se na prodajni dio pekare primjenjuju odredbe Odluke o radnom vremenu trgovinskih djelatnosti.

(4) Neradnim danom odnosno nedjeljom, radno vrijeme obrtničkih/srodnih djelatnosti utvrđuje se u periodu od 08,00-12,00 sati.

(5) Na dan državnog praznika kada se ne radi jedan dan, vlasnici obrta/srodne djelatnosti ne rade, osim pekara.

(6) Za vrijeme državnog praznika kada se ne radi dva dana, drugi dan osim obrta iz prethodnog stava, u vremenu od 08,00 do 12,00 sati mogu da rade svi vlasnici obrtničkih/srodnih djelatnosti.

(7) Odredbe ove Odluke neće se primjenjivati na poljoprivrednu djelatnost kao srodnu djelatnost, zbog same prirode obavljanja iste.

IV RADNO VRIJEME OBJEKATA ZA PRIREĐIVANJE IGARA NA SREĆU I IGARA ZA ZABAVU

Član 25.

(1) Radno vrijeme objekata u kojima se priređuju igre na sreću (kasino, igre na sreću na automatima u posebnim klubovima) 07,00-24,00 sata.

(2) Radno vrijeme objekata u kojima se priređuje klađenje na razne rezultate i događaje i sl. (kladionica), određuje se radno vrijeme od 07,00-22,00 sata.

(3) Radno vrijeme objekata u kojima se priređuju zabavne igre (igre na računarima, simulatorima, videoautomatima, fliperi, pikado, bilijar i sl), određuje se radno vrijeme od 07,00 do 22,00 sata, u zimskom periodu, od 07,00 do 23,00 sata, u ljetnom periodu.

(4) U slučaju da se zabavne igre iz stava 3.ovog člana priređuju u ugostiteljskom objektu, isti posluju u radnom vremenu objekta u kojem se nalaze.

V OGRANIČAVANJE RADNOG VREMENA

Član 26.

(1) Ako se obavljanjem ugostiteljske, turističke, trgovinske, obrtničke i srodne djelatnosti,te

djelatnosti igara na sreću i igara za zabavu uznemiravaju građani koji rade ili stanuju u susjedstvu nadležna služba može, po prethodno pribavljenom mišljenju Policijske uprave Sanski Most, ograničiti radno vrijeme u objektima obavljanja tih djelatnosti.

(2) Izuzetno od odredbi prethodnog stava ovog člana, ne može se ograničiti radno vrijeme obrtničke ili druge djelatnosti koje se zbog prirode tehnološkog procesa moraju obavljati neprekidno, danju i noću, ili samo noću.

(3) Prilikom donošenja rješenja o utvrđivanju kraćeg radnog vremena nadležna služba dužna je da se pridržava sljedećih kriterija:

a) da je poslovni prostor u kojem se obavlja navedena djelatnost dio stambeno-poslovne zgrade kolektivnog stanovanja ili se nalazi u naselju za individualno stanovanje, ili je u blizini zdravstvenih ili obrazovnih objekata,

b) da je tokom godine najmanje dva puta kažnjavan, pravosnažnim rješenjem nadležnog suda za prekršaje (ili prekršajnim nalogom), zbog prekoračenja dozvoljenog radnog vremena ili narušavanja javnog reda i mira obavljanjem navedene djelatnosti,

c) da se u objektu obavljanja navedenih djelatnosti, ili u njegovoj neposrednoj blizini: učestalo narušava javni red i mir, vrši uživanje i prodaja narkotičkih sredstava i druga društveno negativna ponašanja, o čemu postoje zapisnici i izvještaji nadležnih organa,

d) da se u objektu obavljanja navedenih djelatnosti učestalo ne poštuje radno vrijeme o čemu postoje zapisnici ili izvještaji nadležnih organa o povredama ove Odluke.

(4) Za donošenje rješenja o utvrđivanju kraćeg radnog vremena od propisanog, nadležnoj Općinskoj službi dozvoljeno je da utvrdi ispunjenost jednog od kriterijuma iz prethodnih tačaka.

Član 27.

Zahtjev za pokretanje postupka za ograničenje radnog vremena iz prethodnog člana ove Odluke na inicijativu građana podnose organi Mjesne zajednice na čijem području se nalazi objekat.

Član 28.

(1) Pravno i fizičko lice, odnosno lice kome je ograničeno radno vrijeme može pokrenuti postupak za ukidanje ograničenja radnog vremena nakon isteka roka od 6 mjeseci od pravosnažnosti rješenja o ograničenju radnog vremena.

(2) Prilikom odlučivanja o zahtjevu iz prethodnog stava ovog člana potrebno je o istom zatražiti mišljenje Policijske uprave Sanski Most i organa Mjesne zajednice.

VI NADZOR

Član 29.

Nadzor nad primjenom ove Odluke vršiće tržišna i ugostiteljsko-turistička inspekcija inspekcija, te Organ javne bezbjednosti.

VII KAZNENE ODREDBE

Član 30.

(1) Novčanom kaznom od 500 do 3000 KM biće kažnjeno pravno lice, ako se ne pridržava propisanog početka i završetka radnog vremena.

(2) Za prekršaj i stava 1. ovog člana, biće kažnjeno i odgovorno lice u pravnom licu novčanom kaznom u iznosu od 200 do 1000 KM.

(3) Za prekršaj iz stava 1. ovog člana, biće kažnjeno fizičko lice novčanom kaznom od 300 do 3000 KM.

Član 31.

(1) Novčanom kaznom od 500-1000 KM. biće kažnjeno pravno lice, ako na uočljiv način ne istakne početak i završetak radnog vremena.

(2) Za prekršaj iz stava 1. ovog člana, biće kažnjeno i odgovorno lice u pravnom licu novčanom kaznom u iznosu od 200 do 500 KM.

(3) Za prekršaj iz stava 1. ovog člana, biće kažnjeno fizičko lice novčanom kaznom od 100 do 300 KM.

Član 32.

(1) Novčanom kaznom od 1000 do 3000 biće kažnjeno pravno lice ako izvodi ili emituje muziku suprotno odredbama ove odluke.

(2) Za prekršaj iz stava 1. ovog člana biće kažnjeno i odgovorno lice u pravnom licu, novčanom kaznom u iznosu od 300 do 1500 KM.

(3) Za prekršaj iz stava 1. ovog člana, biće kažnjeno fizičko lice novčanom kaznom od 500 do 1000 KM.

Član 33.

Ukoliko pravno odnosno fizičke lice počini dva ili više prekršaja iz člana 30., 31, i 32. ove Odluke, Sud može izreći zaštitnu mjeru zabrane obavljanja djelatnosti u trajanju od 15-30 dana.

Član 34.

Stupanjem na snagu ove Odluke prestaje da važi Odluka o radnom vremenu u zanatskim, zantsko-uslužnim, trgovinskim i ugostiteljskim objektima na području općine Sanski Most ("Službeni glasnik općine Sanski Most", broj: 6/08, 6/09, 9/13, 8/14, 7/16).

Član 35.

Ova Odluka stupa na snagu danom objavljivanja u "Službenom glasniku općine Sanski Most".

Broj:01-02-69/18

Datum:27.04.2018.god.

Predsjedavajuća Općinskog vijeća

Miljević Desanka s.r